



БАЯНХОНГОР АЙМАГ  
БАЯН-ОВОО СУМЫН ЗАСАГ ДАРГЫН  
ЗАХИРАМЖ

2023 оны 03 сарын 30 өдөр

Дугаар А/30

Хөхбүрд

Өрхийн хөгжлийг дэмжих арга  
хэмжээний удирдамж, төлөвлөгөө  
батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 59 дүгээр зүйлийн 59.1.1, Аймгийн Засаг даргын 2022-2024 оны хөгжлийн төлөвлөгөөний 2.3, 6.3, Аймгийн Засаг даргын болон сумын Засаг дарга нарын хооронд байгуулсан 2023 оны үр дүнгийн гэрээнд тусгагдсан “Өрхийн хөгжил” арга хэмжээ, аймгийн Засаг даргын А/94 дүгээр захирамжийг тус тус үндэслэн ЗАХИРАМЖЛАХ нь:

1.Өрхийн хөгжлийг дэмжих арга хэмжээний удирдамжийн нэгдүгээр, төлөвлөгөөг хоёрдугаар хавсралтаар тус тус баталсугай.

2.Өрхийн хөгжлийг дэмжих цогц арга хэмжээний удирдамж, төлөвлөгөөг хэрэгжүүлж, хагас, бүтэн жилээр тайлагнаж ажиллахыг ажлын хэсгийн ахлагч, гишүүдэд үүрэг болгосугай.

3.Захирамжийн хэрэгжилтэд хяналт тавьж, тайлагнаж ажиллахыг Тамгын газрын дарга (М.Жавзансүрэн)-д даалгасугай.

ДАРГА  ХАТАНБААТАР

642301017

Сумын Засаг даргын 2025 оны 08 дугаар  
сарын 04 ны өдрийн А/30 дүгээр  
Захирамжийн нэгдүгээр хавсралт

Өрхийн хөгжлийг дэмжих ажлын хэсгийн бүрэлдэхүүн:

Ажлын хэсгийн ахлагч: Тамгын газрын дарга  
Гишүүдэд: Нийгмийн бодлогын мэргэжилтэн  
Хөдөлмөр, халамж үйлчилгээний газрын  
мэргэжилтэн  
ЕБС-ын захирал  
Сургуулийн Нийгмийн ажилтан  
Насан туршийн боловсролын нэгжийн  
менежер  
Цэцэрлэгийн эрхлэгч  
Эрүүл мэндийн төвийн дарга  
Нийгмийн эрүүл мэндийн ажилтан  
Өрхийн болон багийн эмч  
Байгаль хамгаалагч  
Багийн Засаг дарга  
Эрчим хүчний байцаагч  
Хэсгийн төлөөлөгч

-----oO-----

Сумын Засаг даргын 10/28 оны 03 дугаар  
сарын 30-ны өдрийн А/30 дүгээр  
Захирамжийн хоёрдугаар хавсралт

ӨРХИЙН ХӨГЖЛИЙГ ДЭМЖИХ АРГА ХЭМЖЭЭНИЙ  
УДИРДАМЖ

Нэг. Нийтлэг үндэслэл

Монгол улсын 2021-2025 онд хөгжүүлэх таван жилийн үндсэн чиглэлийн 2.3. зорилт, Аймгийн Засаг даргын 2021-2024 оны үйл ажиллагааны хөтөлбөрийн 2.3.6, Аймгийн Засаг дараг сумын Засаг дарга нарын хооронд байгуулсан хамтран ажиллах гэрээг тус тус үндэслэн Өрхийн хөгжлийг дэмжих арга хэмжээг хэрэгжүүлж байна.

Энэхүү арга хэмжээ нь зорилтот өрхийн гишүүдийг зөвхөн ажил эрхлэх, санхүүгийн нэмэлт орлогоор бус нийгмийн харилцаа, суралцах хэрэгцээ шаардлага, аюулгүй орчинд ажиллах амьдрах, амьдарлын нөхцөл боломжоо дээшлүүлэх боловсрол, нийгмийн хамгаалал, эрүүл мэндийн үйлчилгээнд бүрэн хамруулах, гэр бүлийн боловсрол олгох, хөдөлмөрийн насны, ажил эрхлэх чадвартай гишүүдийг ажил хөдөлмөртэй болгох зэргээр нийгмийн үйлчилгээг өрхөд хүргэх, салбар хоорондын уялдаа холбоотойгоор зохион байгуулж, зорилтот өрхөд бодит үр дүн, ахицыг гаргах нь нийгмийн хариуцлагын хүрээнд хийж хэрэгжүүлэх нэн чухал ажил болно.

Хоёр. Зорилго

“Нийгмийн идэвх санаачилга сайтай, ажил эрхлэх, сурч боловсрох хүсэл эрмэлзэл бүхий өрхийг тодорхойлж тэдгээр өрх, өрхийн гишүүдүүийн эрэлт хэрэгцээ, санаачилга, боломжид тулгуурлан боловсрол, эрүүл мэнд, сэтгэл зүй, нийгмийн хамгаалал, хөдөлмөр эрхлэлт зэрэг үйлчилгээг цогцоор нь хүргэх замаар зорилтот өрхийн хөгжил хамгааллыг сайжруулан өрхийн хөгжлийн тогтвортой байдлыг бий болгоход оршино.

Гурав. Зорилт

Сонгогдсон өрхүүдийн нөхцөл байдлын үнэлгээг гаргах, үнэлгээнд суурилсан төлөвлөгөөг боловсруулж хэрэгжүүлэх.

Сургалт нөлөөллийн үйл ажиллагааг системтэй хүргэж, эрүүл мэнд, боловсрол, нийгмийн үйлчилгээнд бүрэн хамруулна.

Өрхийн гадаад болон дотоод эрүүл аюулгүй орчныг бүрдүүлэхэд дэмжлэг үзүүлнэ.

Өрхийн гишүүний нийгмийн оролцоог нэмэгдүүлэх, хөдөлмөрлөх сэтгэлгээ хандлагыг төлөвшүүлэх, өрх орлогыг нэмэгдүүлэх боломжоор хангана.

Дөрөв. Хамрах хүрээ

Жил бүр зорилтот 9 өрх.

Тав.Хугацаа

2023 оны 02 дугаар сарын 17-ны өдрөөс 2024 оны 11 дүгээр сарын 10 хүртэл.  
Зургаа. Үйл ажиллагааны чиглэл

Нөхцөл байдлын суурь, явцын, эцсийн үнэлгээг хийх.

Нөхцөл байдлын үнэлгээнд суурилсан өрх бүртэй ажиллах төлөвлөгөөг гарган хэрэгжүүлэх.

Боловсрол, эрүүл мэнд, нийгмийн үйлчилгээнд бүрэн хамруулах

Өрхийн гадаад болон дотоод эрүүл аюулгүй орчныг бүрдүүлэх ажлыг зохион байгуулах.

Өрхийн гишүүний нийгмийн оролцоог нэмэгдүүлэх, хөдөлмөрлөх сэтгэлгээ хандлагыг төлөвшүүлэх ажлыг зохион байгуулах

Өрхийн гишүүдийн хөдөлмөрлөх, орлого нэмэгдүүлэх боломжийг судалж, мэргэжил олгох сургалтад хамруулах, ажилд зуучлах, дэмжлэг үзүүлэх.

Аймаг орон нутагт ажиллаж байгаа төсөл, хөтөлбөрт холбон зуучлах

Иргэд олон нийтэд сурталчлах ажлыг зохион байгуулах

Долоо. Үйл ажиллагааг зохион байгуулах хэрэгжүүлэх баг

Тамгын газрын дарга, Нийгмийн бодлогын ажилтан, Хөдөлмөр, халамж үйлчилгээний газрын мэргэжилтэн, ЕБС-ын захирал, Нийгмийн ажилтан, Насан туршийн боловсролын нэгжийн менежер, Цэцэрлэгийн эрхлэгч, Эрүүл мэндийн төвийн дарга, Нийгмийн ажилтан, Өрхийн болон багийн эмч, Байгаль хамгаалагч, багийн Засаг дарга, Эрчим хүчний байцаагч, Хэсгийн төлөөлөгч, цагдаа.

Найм.Хэрэгжилтийг үнэлэх, дүгнэх

Өрхийн хөгжлийг дүгнэх арга хэмжээний явцын тайланг жил бүрийн 06 дугаар сарын 05-ны дотор файлаар Аймгийн Засаг даргын Тамгын газрын холбогдох мэргэжилтэнд явуулж байна.

Өрхийн хөгжлийг дүгнэх арга хэмжээний нэгдсэн тайланг жил бүрийн 11 дүгээр сарын 10-ны дотор файл болон цаасан хэлбэрээр Аймгийн Засаг даргын Тамгын газрын холбогдох мэргэжилтэнд явуулж байна.